



DEO OPTIMO MAXIMO,
UNI ET TRINO,

VIRGINI DEI-PARÆ, ET S. LUCÆ
Orthodoxorum Medicorum Patrono.

QUÆSTIO MEDICA,
CARDINALITIIS DISPUTATIONIBUS

manè discutienda in Scholis Medicorum, die Jovis secundâ
mensis Martii, anno Domini M. DCC. LXIX.

M. ANNA-CAROLO LORRY, Doctore Medico, Præsîde.

An aer corruptus expurgari possit?

I.



ER, sive ut liquidum variis substantiis continendis & quasi solvendis habile; sive ut corpus elasticum, fluidum & grave, spectari debet. Hinc peccare potest, vel quatenus partes continet alienas, vel quatenus proprietatibus suis essentialibus defraudatur. Verum aeris renovari beneficio & æquilibrio atmospheræ restituto, aer in proprietatibus necessariis peccans, citò nec aliter corrigitur. At non ita facile deprehendi potest vis nociva Miasmatum per aera vectorum;

A

non ita facile licet emendare pravas illas aeris qualitates, cum fallant Barometrum sensibus plerumque non obvia. Vel enim paulatim gliscit, latenter serpit, venenum & insidias struit eò periculosiores, quòd non nisi viciatà jam atmosphera diris se prodar symptomatibus; vel per furentes ventos advectum subito impete afflatu lethali opprimit incautos & nil tale metuentes. *Loquos* illud ferale monstrum varia putridarum atomorum genera comprehendit, quarum ut uniformis natura ita diversum effectuum genus. Hinc plurimi oriuntur morbi contagiosi. Acuti, cum collectis in unum viribus, furit pestilens anhelitus; Chronici, cum durat diù, non tam citò lethalis, forsàn sapè crudelior, cœli constitutio depravata; sic cumulatà miasmatum mole, ventus ille in Persiâ & Arabiâ infamis (a) homines perimit, qui nisi procumbentes humi, impetum illius devitent. Sic variæ pestes ab Æthiopiâ aut regione *Cathay* oriundæ, ut illa quæ seculo decimo-quarto erupit, & Africam, Asiam, Europam devastavit; sic etiam nuperrimæ illæ Massiliensis, Messinensis, ab aere viciato in longinquis oris Arabiæ sumpserant exordium. Quin etiam sui manent armenta pestilentiales morbi. Lanigeræ oves vitam reddiderunt ad plena præsepia; pingues inter herbas vituli cecidere moribundi. Sæpè viciatæ aves medio ex aere projiciuntur in terram (b). Sic & nocent pestiferi frugibus venti. Numquid videmus ipsis plantis, quarum corpus validius est nostris corporibus, auræ nescio ejus afflatu syderationem & ustionem afferri (c), corporibus humanis indè communicandam. Verùm, mutatà scenâ, plures morbi nascuntur chronici ab aere endemicis; sic oculis capiuntur Ægyptii ferè omnes, notante Prospero Alpino, si Nilus ad assuetam altitudinem non exundaverit. Sic Hydrope Tropicos inter si pluvix nimix fuerunt, laboratur, teste Bonrio. Ab aere humido Batavi, Dani, scorbutum experiuntur. Lentis insultibus sua Pictones peredit, sua Santones pestis lenta depascitur, Anglis etiam consumptio ab aere pendere visa est (d). Indis morbo suo *perical* dicto volumine in immensum intumescunt crura (e). Suum Arabes circà mare Rubrum languidos, pallidos inficit contagium. Hinc etiam infames sunt vario genere morborum insulæ Americanæ. Infames sunt Æthiopum feracissimi campi, quos monstrorum genera sexcenta dehonestant, quos per dimidiam anni partem miserè devastant epidemici morbi. Nec minus discrepant inter se insulæ, loca continentia tùm sylvarum, paludum, tùm minerarum viciniâ. Quibus atmosphæræ vitiis ut obviam irent, omni ope atque operâ enixi sunt quam plurimi. Chemicâ fretus arte Drebellius variis operationibus liquorem invenisse dicitur, ejus exhalatione aer corruptus, malignis

(a) Gauteron, traité des pestes de l'Orient.

(b) Mead. opera omnia Paris 1750. Præfat.

(c) Hales statique des végétaux chap. 2.

(d) Garanciere, de tabe Anglicâ.

(e) Bernard Valentini, Chirurg. Medic. sect. 4.

foetus vaporibus possit expurgari ³ (f). Licet verò illius asserti veritas (f) Derham, Theol. Physf. in dubium revocetur à multis, nihilominus manet inconcussum, quod halituum proventu foedatus aer possit emendari, si semel genus, ortum, naturam vaporum inquinantium noveris.

I I.

NON mirum videtur undè diversis in regionibus, tempore diverso tam pravam indolem atmosfera possit suscipere; cum aeris massam quamlibet innumeris conspurcari vaporibus, innumeris diversæ prosapiæ corpusculis scatere simplicior doceat physice. Ignis enim & putrefactionis insultibus nihil impervium, utriusque viribus omnia adulterantur, eliduntur, volatilitatem acquirunt habilia per auras rapi. Superficies enim quælibet aquæ, auræ patenti exposita inter decem & trium dierum spatium pollicis unius quantitate minor est (g). Superficies quælibet terræ eandem patitur jacturam, verum intrà quadraginta dierum limites. Quantum è vivis animalibus avolet quotidianâ perspiratione, Sanctorianæ demonstrant computationes. Quid hic enarramus effluvia maligna quæ vegetabilium ut & animalium corruptela vallet inducere (h). Immanis animalis, Cete v. g. cadaver motu fermentativo dein pùtre dinoso correptum, intrà paucos dies, totum in auras abit, & aerem putridis miasmatibus longè latequè ita inficit, ut, multis ab hinc passuum millibus, stationem malefidam subodorentur viatores. Quotiès post confictus bellicos oriuntur morbi maligni sævissimi. Sic, à peremptis corruptisque Locustarum quæ devastant Æthiopiam cadaveribus, novam excitandæ pestilentie ansam præberi auctor est Ludolf (i). Quot & quantis pestilentialibus morbis vexentur cænosa-rum regionum incolæ deducere est è cladibus plurimarum illustrium urbium Italiae quæ à solis paludum effluviis fuerunt devastatæ. Nec minora imminet à mineralibus mala. E quibusdam enim Hungariæ fodinis, halitus sese effundunt tetrissimi ita ut super has nullæ volucres pennis iter tendant impunè (l). Sic, post Vesuvii montis incendia, plurimis in locis observatur atmosfera venenata ad quandam altitudinem incumbere. Quid loquamur de infamis in Italiâ Specûs dicti *Grotta del Cane*, Putei *Perauls*, propè Monspelium tetrissimâ mephiti animalia suffocante (m). Quænam ex istis omnibus exhalationibus venenatis strages non metuenda, si junctis viribus accedant insuper calor & humiditas? nullum enim dubium moveri potest quin viciata diathesis atmospheræ vires atomis venenosis summas inspiret. Enim verò me-

(g) Arbuenot. effets de l'air.

(h) Experien. Chym. de Meyer. par Dreux, Paris 1766.

(i) Hist. Æthiop. l. 1. cap. 13.

(l) Montalbano, Rel. de la Hongie.

(m) Mead, de venenatis halitibus. Connor de antris lethif. ris.

chanicè ut plurimum agit pessima illa aeris conditio in quâ atmosphaera æstuans calore summo humiditatem simul concipit. Et certè, ardente Syrio, halitus venenati per auras diffunduntur promptius, latiusque disseminantur quàm in frigidioris aeris statu, ut deducere est ex aromatatum effluviis. Insuper in aere fœdato, calido simul & humido, contagiosæ moleculæ cum subtilioribus laticis aquei particulis occurrunt, novum cum ipsis ineundo consortium, ponderosiores simul evadunt & naturæ tenacioris. In hac aeris conditione, concipiendæ erumpentium effluviorum malignitati habiliora sunt hominum corpora ob aerem humidum simul & calidum, qui ratione aquæ quam continet, laxat & solvit, calore interim inhalantium vasorum referat oscula, humores evehit ad acrimoniæ gradum corrosivis miasmatibus affinem. Hinc auster calore humido plumbeus, adedò apud Hippocratem in suscitandis epidemicis morbis potens quoddam corpuscula putrida corporibus ad putredinem dispositis applicet. Hinc tanto favore apud Ægyptios & Græcos excipiebantur flatus Etesii, quorum adventus in naturâ regularis, morbos fugabat æstivos, quibus si poneretur obex, aut si à naturâ non suppeditarentur, pestem & morbos pestilentiales tremebundi expectabant harum regionum incolæ. Hinc Romæ adedò metuendus Syrius cogit opulentiores ut deserant urbem, & amœniora viridaria aquis irrigata salubribus petant.

In hac infelicissimâ rerum conditione, lethiferis in his atmosphaeræ constitutionibus tutius esset sanè loca inimicis effluviis fœta deferere, terras petere benigniori solis aspectu recreatas. Fuga verò non semper possibilis; plurimos originis solo affixos detinet Patriæ, licet fallacis, amor insuperabilis. Non igitur satis se profecisse Medicus arbitretur si morbos indè sobolescentes curet, illius est officii ut maximam adhibeat diligentiam, quâ recrudescentibus semper à malis incolæ serventur immunes, & à patriis finibus labes avertatur atque repellatur.

III.

PORRO, ut attingatur scopus ille, sedulò perpendendum est quod omnia illa effluvia ad duplicem classem revocari debeant. Prima complectitur ea quæ sub vaporum nomine aquæ naturam retinent & indolem. Altera comprehendit partes minerales, sulphureas, putridas, & illæ exhalationes audiunt. Cum aqueis vaporibus nimis turget aer, silvis incensis aut avulsis, referato per montium fauces aditu, advocandi sunt venti præsertim boreales qui superfluum humo-

rem nocivum avidè combibant, ut ità dicam. Sic pestilentia quondam Coreyræ grassanti Varro dicitur occurrisse, oclusis fenestris austrum spectantibus, aliis ad arctum apertis (n). Hinc Arabes, dùm adversus insultus pestis sese muniunt, in id intendunt ut quanta fieri possit aeris introducat copiam; seligunt domos quas undequaque ventus perflare possit. Montanis enim populis, vel saltem ad boream conversis, paludes & stagna minùs nocent etiàm per æstivos calores, quia vapores ex ipsis emissi minùs maligni sunt & faciliùs ventorum vi disperguntur, annotante Lancisio (o). Ignem accendi sunt quibus atmospheræ qualitates nocivæ possint corrigi, quibus expansus aer & in motum raptus turbinosum ventos accersat. Sic ligna super foco largè reponens, ab omni pravo vapore sese vindicat cænosa nimis Batavia. Si verò vicinis à paludibus jugiter exhalantibus humidam indolem mutuatur aer, exsiccentur citò paludes, sterileque diù grave tandem sentiant aratrum. Sic Pisaurum fessicatis paludibus salubrius redditum fuisse, sic oppidum Gandulphianum ab aeris humidi infamiâ non aliter à Paulo V vindicari potuisse quàm arefacto Turni lacu subiecto legere est apud Lancisium (p). Quod si putredo suas horrendas agat tragedias, ignibus addantur aromata, Medicinæ Principis exemplo, qui, si fides sit Galeno, pestem ex Æthiopiâ ortam Græcas urbes devastantem, feliciter debellavit profligavitque dùm accensis ignibus aerem repurgaret, odoratas herbas, Aromata super injiciens (q). Balsamorum Aromaticum vim prophylacticam demonstrat insuper civium insulæ Ternatæ Batavorum fors miseranda. Diris enim conflictati fuerunt morbis, ex quo diruere caryophylla quorum benignus vapor vicinorum locorum terribilissimam mephitim emendabat (r). Nec satis. Sulphur & nitrum, nitrum comburatur, Ab acido-nitrosi enim exundantis Nili vaporibus, pesti quæ quotannis Cægyptum deprædatur injici frena Boyleus (s) est auctor. Quæ quidem assertio ad veritatis gradum evehi videtur, ex eo quod omnis supellex pestifera & contagio infecta tunc temporis effectus contagii non amplius edat (t). Et illud certè non contingeret nisi indolis alkalinae miasmata putrida vinculis, ut ità dicam, injectis compescerent acido-nitrosæ molecule. Quantum ad absumendos vapores sulphureos conferre possint explosiones; docet vis illa magna & inevitabilis harumce tempestatum quæ crebris ignibus & tonitru stipata incedentes, subitò discrimine gravem aestu & suffocantem aerem ità fallaci refrigerant lenimine, ut auræ nimis frigida moroi plerumque succedere videantur. Norunt id optimè Fodinarum, hinc loca subterranea non descendunt, quin priùs sulphureas

(n) Huxham; observat. de aere & morbis epidemiciis. Præfat.

(o) De noxiis paludum effluviis. tom. 2. partie 1.

(p) Loco supra citato.

(q) De theriacâ ad Pisonem, cap. 16.

(r) Encyclopedie, tom. 1. art. de l'air.

(s) Traité de la nature des exhalaisons, chap. 4.

(t) Prosp. Alpin. de Medic. Ægyptiorum, lib. 1.

exhalationes, *moufetta* dictas, ignis ope consumpserint, insuper in eo maxime conferunt explosiones quod motum inordinatum impingant atmosphæ; & experienciâ compertum manet ab his anomalis mutationibus funditus everti morbos pestilenciales, qui vicissitudines tempestatum ritè procedentes fefellerant (u). Nec ea industria latuerat antiquos Medicinæ Magistros, qui de repurgando conscripserunt aere Avicennam, Gordonium, Raymundum de Vinario. Ad profligandam enim pestem omnia aromatum suffumigia celebravere, inter quæ præcipuus est ligni Juniperini suffitus; de cujus effectibus, in peste prohibendâ, videatur ante alios Diemerbroekius. Varia autem hujusmodi auxilia ingenti sedulitate collegit Eminentissimus Cardinalis Gastaldus. (x)

(u) Dissertation sur l'origine des maladies épidémiques & de la peste, Monsp. 1721.

(x) Tract. de peste. in-fol. 1702.

I V.

MINOREM sanè difficultatem faciunt, ut pravam deponent indolem, halitus venenati cum non pendent à solo, ab epidemica verò constitutione ducunt originem & minus latè tyrannidem exercent. Faciliùs tunc arte disperguntur aut alienæ prorsus indolis molecularum consortio absumentur promptiùs. Enimverò non hîc loci fas est omittere plurima ab arte Chemicâ suppeditari quæ in casibus suprâ memoratis felicem non sortiuntur exitum, quin imò locum obtinere minimè possunt. Illorum enim actio mechanica certis & determinatis circumscripta limitibus, debilior est quam ut immensam atmosphæræ vitiatæ molem immutare queat. Talis est aceti, alkali volatilîs, vaporatio; talis benzoini, thuris, storacis, & aliorum accensorum vis odora. Egregiam verò præstant opem in repurgandis nosocomiis, carceribus aliisque id genus locis, in quibus collecta numerosa hominum nimis coacervatorum, inopiâ sordidorum congeries, aerem licet renovetur malignis semper inficit afflaturibus. Hinc ibi plerumque defævit teterrima morborum pestilentialium cohors, imprimis hoc febris genus quod carceris febrem vocant. Nihil enim annotante Mead (y) propiùs ad pestis incunabula refertur, quam aer intus coercitus fœtus vaporibus & sordidâ spurcitie quam animalium exhalant corpora vitiatus. Id ergò præcaveri debet imprimis ne plures simul in carceribus includantur. Quot & quanta pendeant inde mala sequentibus docemur observationibus. (z) Harveyus, collectis sub jove frigido plurimis ovibus, animadvertit quod, malis semper illarum rebus, unaquâque die minus concederetur spatii, ita ut, contractis quantum fieri poterat quibus cingebantur oves limiti-

(y) De sistendo pestis semel admisso contagio.

(z) Vid. F. Bacon, hist. Henr. VII.

bus, omnes perierint, halituum activitatis spherâ nimis arctiore red-
ditâ. Halesianis insuper computationibus evincitur quod si homines
ad numerum trium millium collecti jugerum occupent per 31 dierum
spatium aerem ambientem sanctorianæ perspirationis exhalationibus
impleant ad altitudinem 71 pedum. Carceribus igitur sedulò concili-
andus aer, qui quasi hærentem putrilaginem avertat. Anglis fami-
liare est ventum artificialem concitare. At illo non radicitus evellitur
malorum causa. Recurrendum semper ad vaporationem aceti, al-
kali volatilis, suffumigia quæ labem in ipso fonte aggrediantur. Ac-
cendendi sunt ignes noctu præsertim. Nam ea est atmospheræ natu-
ra, ut quæ die avolant noctu condensentur. Hinc odor noctu magis
concentratur; hinc loca plantis venenatis confita, sole recedente, plus
olent; hinc noctes frigida climatum calidiorum plurimos procreant
morbos, Beriberi genus quoddam paralyseos, catalepsiam, con-
vulsiones tetanodes Indis familiares, apud nos vix cognitâs.

V.

CONTRARIA contrariis curantur. Ex hoc celeberrimorum omnis
cavi Medicorum oraculo non temerè, non properantè edito, ab
experientiâ verò Medicis in rebus magistrâ comprobato, satis evinci-
tur propositio nostra. Ad expurgandum enim aerem quænam alia
suasimus media nisi ut novis & contrariis prorsus moleculis miasmata
maligna felici connubio sese maritantiâ, venenatam deponant indo-
lem, benigniorem accipiant; nisi ut advocato auræ salubrioris auxilio
exhalationes in majus spatium dispersæ minùs noceant & aer à stagna-
tione semper maximè nocivâ possit vindicari. Non eo tamen devenimus
ut nostram thesîm extrâ jactum omnem telorum critices positam esse
credamus. Nulla veritas firmissimis licet ratiocinii fundamentis in-
nixa controversiam valet effugere.

Stagnare non posse aerem adeoque corrumpi negant, qui obijciunt
continuo motu rapi semper atmospheram, & ut tenuiorem velocitate
majori. Conclusionem nostram convellere minimè potest illud ar-
gumentum. Enim verò in vallibus quos undiquè cingunt montes, &
proindè adversus omnem ventorum injuriam muniunt, aer certè sta-
gnat. Præterea, gravitatis motu partes opprimuntur ad solum: un-
dè quamvis vapores æquiponderantes aeri dispergi non negemus, cer-
tum tamen datur spatium, in quo stagnant, quos vel leviores facimus,
ideoque facilius disperguntur, vel graviore additâ basi, & tunc ter-

ram petunt; sic aquæ molecule dum aere leviores sunt per auras æthereas diffunduntur sublimes, cum verò ruunt in amplexus jam ponderosiores sub guttarum formâ decidunt copiosius & imbres efformant. Hinc sæpè visa nubes in unum locum desævians, sternere fata læta, precipitesque trahere sylvas.

Instabunt; aerem absque renovatione corrigi non posse, quin excessus contrarius inducatur, & atmosphaera particulis oppleatur advenis quæ novum ei pondus conciliare possunt, & illud, inquiunt, experiuntur quotidie qui parumper chemicis in rebus versantur. Acidum enim marinum & alkali volatile quorum halitus, si seorsim considerentur liquores, oculorum aciem fallunt vel perspicacissimam, admotis propius phialis referatis, dum societatem ineunt, jam crassiores sub nubecularum specie prodeunt. Illud quidem verum est; concedimus ultro, & inde novum robur accipit assertio nostra. Cum enim nubecularum formam induunt halitus illi, vel facilius disperguntur ventis ludibria, vel promptius opprimuntur ad terram vi totius atmosphaeræ prementis.

Cum igitur rationi consentanea, chemicis observationibus consona, experimentis suffulta nullis objectionibus convelli possit nostra de aeris expurgatione sententia liceat nobis confidenter asserere.

Ergò aer corruptus expurgari potest.

Proponebat Parisiis, CAROLUS - JACOBUS - LUDOVICUS
COQUEREAU DE NANCE', parisiinus, Saluberrimæ Facultatis
Medicinæ Parisiensis Baccalaureus, Theses Autor.
A. R. S. H. 1769, à sextâ ad meridiem.